



Broj:
Sarajevo, __.__. 2021 godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na sjednici od __.__. 2021. godine, donijelo je:

ZAKLJUČAK

(prijedlog)

1. Gradsko vijeće Grada Sarajeva razmatralo je tekst Nacrta Odluke o uslovima i načinu dodjele „Šestoaprilske nagrade Grada Sarajeva“ i upućuje ga u javnu raspravu u trajanju od 60 dana od dana upućivanja Nacrta Odluke u javnu raspravu.
2. Subjekti u javnoj raspravi su klubovi gradskih vijećnika, radna tijela Gradskog vijeća Grada Sarajeva i drugi subjekti koji iskažu interes.
3. Ovaj Zaključak, čiji je sastavni dio utvrđeni Nacrt Odluke o uslovima i načinu dodjele „Šestoaprilske nagrade Grada Sarajeva“, tokom trajanja javne rasprave, biti će javno dostupan na službenoj internetskoj stranici Grada Sarajeva, putem poveznice istaknute na naslovnoj stranici pod naslovom „Poziv za javnu raspravu o Nacrtu Odluke o uslovima i načinu dodjele „Šestoaprilske nagrade Grada Sarajeva“.
4. Primjedbe, prijedlozi i sugestije iznesene u diskusijama radnih tijela Gradskog vijeća i gradskih vijećnika, iznesene na sjednici Gradskog vijeća pri razmatranju Nacrta Odluke o uslovima i načinu dodjele „Šestoaprilske nagrade Grada Sarajeva“, tretirat će se kao prilog javnoj raspravi.
5. Za provođenje i organizaciju javne rasprave određuje se Komisija za izbor i imenovanja Gradskog vijeća Grada Sarajeva i gradonačelnica putem nadležne Gradske službe za opću upravu i zajedničke poslove i Stručne službe gradonačelnice Grada Sarajeva.

PREDSJEDAVALJUĆI GRADSKOG VIJEĆA

Jasmin Ademović





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O USLOVIMA I NAČINU DODJELE
„ŠESTOAPRILSKE NAGRADE GRADA SARAJEVA“
(nacrt)

Predlagač: Gradonačelnica
Obrađivač: Stručna služba gradonačelnice
Grada Sarajeva

Sarajevo, septembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. i tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva, na sjednici održanoj dana 29.09.2021. godine, donijelo je:

(nacrt)

**ODLUKU
O USLOVIMA I NAČINU DODJELE
„ŠESTOAPRILSKE NAGRADE GRADA SARAJEVA“**

Član 1.

Ovom odlukom određuju se uslovi za dodjelu „Šestoaprilске nagrade Grada Sarajeva“ (u daljnjem tekstu: Nagrada), postupak i način dodjele Nagrade, organ koji provodi postupak po raspisanom Javnom pozivu i utvrđuje prijedlog dobitnika Nagrade, oblik i izgled Nagrade, i druga slična pitanja vezana za postupak, uslove i načine dodjele Nagrade.

Član 2.

Nagrada iz člana 1. ove odluke dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede
- nauke i obrazovanja
- kulture i umjetnosti
- sporta
- zdravstva i socijalne zaštite
- drugim oblastima rada i stvaralaštva, bez obzira na godinu ostvarenja, a koji doprinose ukupnom unaprjeđenju, promociji i razvoju Grada Sarajeva kao glavnog grada Bosne i Hercegovine i Federacije Bosne i Hercegovine

Član 3.

Pod značajnim ostvarenjima, u smislu ove odluke, podrazumijeva se djelovanje i rezultati ostvareni u kontinuitetu koji se smatraju doprinosom razvoju odgovarajuće oblasti, u skladu s kriterijima uobičajenim za konkretnu oblast, a koja doprinose ukupnom razvoju, odnosno promociji Grada Sarajeva.

Član 4.

Kriteriji za dodjelu nagrade su:

- a) za pojedince i grupe
 - dobrotvorno, humanitarno, socijalno, edukativno i drugo djelovanje namijenjeno većem broju korisnika, građana Bosne i Hercegovine kojima su uskraćena politička, građanska ili ljudska prava, socijalno isključenih, marginaliziranih ili ugroženih društvenih grupa unutar Bosne i Hercegovine, a putem kojih je Grad Sarajevo pozitivno promoviran;
 - donatorski, humanitarni i sponzorski portfolio za društveno-korisne aktivnosti;
 - izuzetan doprinos u odbrani države Bosne i Hercegovine;
 - postizanje značajnih rezultata u oblasti nauke, obrazovanja, zdravstva, socijalne zaštite, kulture, sporta, amaterskog stvaralaštva i drugih društvenih djelatnosti ili najboljih rezultata u teorijskom i praktičnom radu na pojedinom području javnog djelovanja;
 - doprinos unaprjeđenju radnih procesa kreativnim radom ili inovacijama;
 - dobivanje domaćih i međunarodnih priznanja za vlastite inovacije;
 - objavljivanje, prikazivanje, izlaganje, izvođenje ili prezentovanje na neki drugi način vlastitih ostvarenja značajnih za širu zajednicu;
 - ugled i visoke moralne vrijednosti.

b) za pravna lica

- društveno-odgovorno djelovanje u kontinuitetu, uz puno poštivanje zakonskih normi, prava radnika i dokazanu brigu za zajednicu;
- upošljavanje većeg broja radnika;
- ostvarivanje značajne dobiti u poslovanju;
- vršenje znatnijih ulaganja u proširenje proizvodnih i drugih kapaciteta;
- postizanje poslovnih uspjeha na nivou međunarodnih standarda;
- najmanje pet godina postojanja i kontinuiranog djelovanja;
- renome uzornog pravnog lica.

Član 5.

Dodjela Nagrade vrši se objavljivanjem Javnog poziva za predlaganje kandidata za dodjelu Nagrade, a koji upućuje Odbor za dodjelu „Šestoaprilske nagrade“ (u daljnjem tekstu: Odbor), imenovan odlukom Gradskog vijeća Grada Sarajeva.

Javni poziv se objavljuje u sredstvima javnog informisanja i zvaničnoj web stranici Grada Sarajeva i ostaje otvoren 45 dana, računajući od dana posljednje objave.

Član 6.

Nagrada se dodjeljuje:

- Pojedincu;
- Grupi (okupljenim pojedincima na realizaciji određenih poslova s rezultatima koji se mogu razmatrati u kandidaturi za dodjelu Nagrade kao značajna ostvarenja, odnosno značajni rezultati rada);
- Kolektivu (privrednom društvu, ustanovi, udruženju i drugom pravnom subjektu s područja grada Sarajeva, kao i onom van područja grada Sarajeva, ako se njihova ostvarenja, odnosno rezultati rada odnose na grad Sarajevo).

Član 7.

Nagrada se ne može dodijeliti organima uprave svih nivoa vlasti u Bosni i Hercegovini, izabranim funkcionerima, poslanicima, vijećnicima svih nivoa vlasti u Bosni i Hercegovini i njihovim srodnicima za vrijeme trajanja njihovog mandata, kao ni zaposlenima u organima uprave svih nivoa vlasti Bosne i Hercegovine za ostvarenja koja se odnose na djelovanje u okviru djelokruga posla koji vrše u organu uprave.

Nagrada se ne može dodijeliti ni kandidatima protiv kojih se vodi krivični postupak, kao ni kandidatima koji su osuđeni pravosnažnom odlukom nadležnog suda.

Član 8.

Nagrada se dodjeljuje u obliku Povelje, uz novčani iznos koji Odlukom utvrđuje Gradsko vijeće Grada Sarajeva na prijedlog Administrativne komisije.

Kada se Nagrada dodjeljuje grupi, svaki član grupe dobiva Povelju.

Novčani dio nagrade iz stava 1. ovog člana raspoređuje se članovima grupe na jednake dijelove.

Član 9.

Povelja iz člana 8. stav 1. i 2. Odluke sadrži sljedeći tekst: „BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO, GRAD SARAJEVO“, sa suhim grbom Grada Sarajeva, centriranim na vrhu stranice formata A3.

Ispod teksta iz stava 1. ovog člana, ispisuje se sljedeći tekst: „Na osnovu Odluke Gradskog vijeća Grada Sarajeva o dodjeli „Šestoaprilske nagrade Grada Sarajeva“, broj____, dodjeljuje se „ŠESTOAPRILSKA NAGRADA GRADA SARAJEVA“ (tekst na sredini Povelje), ime i prezime lica, odnosno imena članova grupe ili naziv kolektiva kojima se Nagrada dodjeljuje.

Ispod teksta iz prethodnog stava ovog člana, ispisuje se kratko obrazloženje, odnosno navodi oblast rada i stvaralaštva u kojoj je dobitnik Nagrade ostvario značajne rezultate.

U donjem lijevom uglu Povelje je oznaka datuma, mjesta i broja Odluke, a u donjem desnom uglu je potpis gradonačelnika/ce Grada Sarajeva.

Uz Povelju se uručuje i Odluka Gradskog vijeća Grada Sarajeva o dodjeli „Šestoaprilske nagrade Grada Sarajeva“ za odgovarajuću godinu, kojom se utvrđuje vrsta i sadržaj Nagrade, dobitnik Nagrade te naznaka da se Nagrada uručuje od strane gradonačelnika/ce Grada Sarajeva i predsjedavajućeg Gradskog vijeća Grada Sarajeva, na svečanoj sjednici Gradskog vijeća.

Član 10.

U jednoj godini može se dodijeliti najviše šest Nagrada, iz svake oblasti po jedna, bez obzira da li se radi o pojedinačnoj, grupnoj ili kolektivnoj Nagradi.

Nagrada se istom licu, iz člana 6. Odluke, može dodijeliti samo jedanput.

Član 11.

Nagrada se dodjeljuje svake godine i uručuje 6. aprila na Svečanoj sjednici Gradskog vijeća.

Samo izuzetno, u slučajevima vanrednih nepredviđenih okolnosti, kao što su stanje elementarne i druge nesreće, i drugim sličnim nepredviđenim situacijama, Nagrade se mogu uručiti u drugom terminu, o čemu odlučuje Kolegij Gradskog vijeća na prijedlog predsjedavajućeg Gradskog vijeća.

Nagradu uručuje gradonačelnik/ca Grada Sarajeva i predsjedavajući Gradskog vijeća Grada Sarajeva.

Član 12.

Pravo predlaganja kandidata za Nagradu imaju privredna društva, ustanove, udruženja građana, grupe od najmanje 200 građana i druga pravna lica sa područja Grada Sarajeva, kao i raniji dobitnici „Šestoaprilske nagrade Grada Sarajeva“.

Subjekti iz stava 1. ovog člana nemaju pravo isticanja sopstvene kandidature za Nagradu.

Prijedlog iz stava 1. ovog člana podnosi najviši kolektivni organ upravljanja, skupština ili Upravni odbor, odlukom tih organa o podnošenju prijedloga kandidata za Nagradu, s tim da je uz prijedlog dužan dostaviti pismenu saglasnost kandidata da prihvata kandidaturu, jasno definisati oblast za koju se kandidat predlaže te dostaviti i relevantnu dokumentaciju da se protiv kandidata ne vodi krivični postupak i da nije osuđivan.

Kandidata za dodjelu Nagrade ne mogu predložiti upravljačke strukture pravnih i fizičkih lica sa kojima je interesno povezan.

Pravo predlaganja kandidata za Nagradu ima i gradonačelnik/ca Grada Sarajeva.

Član 13.

Prijedlog iz stava 3. člana 12. Odluke dostavlja se u tri (3) primjerka sa detaljnim podacima i obrazloženjem i potrebnom dokumentacijom.

Obrazloženje treba da sadrži podatke o kandidatu, ukupan radni opus i posebne zasluge u oblasti zbog kojih se kandidat predlaže za dodjelu Nagrade.

Član 14.

Gradsko vijeće Grada Sarajeva imenuje Odbor iz člana 5. Odluke i to najkasnije na oktobarskoj sjednici Gradskog vijeća.

Odbor iz člana 1. ovog člana čini ukupno 13 (trinaest) članova, i to 7 (sedam) članova Komisije za izbor i imenovanja Gradskog vijeća i 6 (šest) članova iz reda istaknutih javnih djelatnika iz oblasti:

- privrede;
- nauke i obrazovanja,
- kulture i umjetnosti;
- sporta;

- zdravstva i socijalne zaštite;
- drugih oblasti rada i stvaralaštva za koje se Nagrada dodjeljuje.

Članovi Odbora iz reda istaknutih javnih djelatnika mogu biti i raniji dobitni „Šestoaprilske nagrade Grada Sarajeva“.

Kolegij Gradskog vijeća Grada Sarajeva kandidira Komisiji za izbor i imenovanja kandidate za članove iz reda istaknutih javnih djelatnika iz prethodnog stava.

Komisija za izbor i imenovanja utvrđuje prijedlog i upućuje ga Gradskom vijeću Grada Sarajeva na razmatranje i usvajanje.

Predsjedavajući i zamjenik predsjedavajućeg Odbora se biraju na prvoj sjednici Odbora.

Mandat članova Odbora iz reda istaknutih javnih djelatnika traje do okončanja postupka izbora laureata za tu godinu.

Član 15.

Odbor iz prethodnog člana ove odluke, na prvoj sjednici donosi Poslovnik kojim se uređuje način rada Odbora, a posebno se definiše tajnost rada Odbora i imena kandidata za dodjelu, do donošenja konačne odluke Gradskog vijeća o dodjeli Nagrade.

Poslovnikom iz prethodnog stava ovog člana uredit će se i zajedničko razmatranje predloženih kandidata od strane članova Odbora, u dvije sjednice, prije procesa glasanja, kao i način glasanja Odbora bodovanjem u drugom ili trećem krugu, i to tako da kandidat koji ostvari minimalan broj bodova većine od ukupnog broja članova Odbora, dakle sedam (7) članova Odbora, ne može biti predložen Gradskom vijeću na konačno odlučivanje.

Član 16.

Ukoliko Odbor u toku postupka za dodjelu „Šestoaprilske nagrade Grada Sarajeva“ utvrdi da predloženi kandidat ispunjava uslove za neku drugu oblast, Odbor može predložiti da se o njegovoj kandidaturi glasa u drugoj oblasti.

Član 17.

U prvom krugu, članovi Odbora glasanjem utvrđuju liste kandidata koji zadovoljavaju uslove propisane Odlukom i Javnim pozivom u pojedinačnim oblastima.

U drugom krugu glasanja Odbor primjenjuje način bodovanja preciznije utvrđen Poslovnikom o radu te Gradskom vijeću predlaže najmanje dva (2) prvorangirana kandidata, ako ih je bilo dva ili više, u suprotnom jednog ukoliko je jedan kandidat dobio minimalan broj bodova većine od ukupnog broja članova Odbora ili ni jednog ukoliko kandidat/i nije/su dobio/li nijedan bod.

Gradsko vijeće donosi konačnu Odluku tajnim glasanjem na sjednici Gradskog vijeća zatvorenoj za javnost.

Ukoliko je član Odbora na bilo koji način povezan sa predloženim kandidatima za dodjelu „Šestoaprilske nagrade Grada Sarajeva“, obavezan je izuzeti se prilikom glasanja.

Član 18.

Ukoliko Odbor ocijeni da određeni prijedlog kandidata ne ispunjava uslove za dodjelu nagrade, Odbor može uputiti inicijativu prema ovlaštenim predlagačima, gradskim vijećnicima, gradonačelniku/ci, da podnesu prijedlog za dodjelu drugog priznanja ili nagrade Grada Sarajeva, u skladu sa Odlukom o priznanjima i nagradi Grada Sarajeva.

Član 19.

Članovi Odbora se obavezuju na tajnost svih podataka o kandidatima.

Članovi Odbora se obavezuju da neće davati izjave u medije ili preko društvenih mreža, sve do zvanično upućenog prijedloga Gradskom vijeću Grada Sarajeva.

Član za kojeg se utvrdi da je prekršio obaveze iz stava 1. i stava 2. ovog člana, trajno se isključuje iz rada Odbora, o čemu odluku donosi Gradsko vijeće Grada Sarajeva i istovremeno imenuje drugog člana odbora umjesto isključenog člana.

Član 20.

Nagrada koja se dodjeljuje pojedincu, odnosno grupi, može se oduzeti nakon dodjeljivanja iste. Pod oduzimanjem Nagrade podrazumijeva se oduzimanje Povelje pojedincu, odnosno članu grupe. Nagrada se oduzima ako je nagrađeno lice pravosnažnom sudskom presudom osuđeno od Međunarodnog suda za ratne zločine počinjene na teritoriji bivše Jugoslavije, ili koje je pravosnažnom sudskom presudom, od bilo kojeg suda sa područja Bosne i Hercegovine, osuđeno za krivično djelo protiv života i tijela na kaznu zatvora od najmanje godinu dana, protiv slobode i prava građana, protiv dostojanstva osobe i morala, protiv imovine, protiv pravosuđa, protiv službene i druge odgovorne dužnosti, protiv osnova društvenog uređenja i sigurnosti. Nagrada se može oduzeti ako je nagrađeno lice pravosnažnom sudskom presudom osuđeno na kaznu zatvora preko 3 (tri) godine ili težu kaznu, a ne radi se o krivičnom djelu iz prethodnog stava.

Član 21.

O oduzimanju nagrade odlučuje Gradsko vijeće Grada Sarajeva. Odluka o oduzimanju Nagrade objavljuje se u „Službenim novinama Kantona Sarajevo“ i sredstvima javnog informisanja, kao i na zvaničnoj web stranici Grada Sarajeva.

Član 22.

Ukoliko priznanje, odnosno Nagrada nije uručena dobitniku za života, predaje se članovima uže porodice (bračni drug, djeca i roditelji), i o tome se izdaje potvrda.

Član 23.

Članovi Odbora imaju pravo na naknadu. Visina naknade iz stava 1. ovog člana se utvrđuje na isti način kao i za ostala radna tijela Gradskog vijeća, a na prijedlog Administrativne komisije Gradskog vijeća.

Član 24.

Sredstva za dodjeljivanje Nagrade, kao i sredstva za rad Odbora obezbjeđuju se u Budžetu Grada Sarajeva i Odluci o izvršenju Budžeta.

Član 25.

Mandat članova Odbora prestaje usvajanjem izvještaja o radu Odbora od strane Gradskog vijeća Grada Sarajeva.

Član 26.

Stručne i administrativne poslove za potrebe Odbora, kao i evidencije o dodijeljenim Nagradama, vrši Stručna služba za poslove Gradskog vijeća Grada Sarajeva.

Član 27.

Gramatička terminologija korištenja muškog i ženskog roda u ovoj odluci podrazumijeva uključivanje oba roda.

Član 28.

Danom stupanja na snagu ove odluke prestaje da važi Odluka o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19).

Član 29.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo;

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. i tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojima je propisano da Gradsko vijeće Grada Sarajeva donosi odluke, druge propise i opće akte i daje njihovo tumačenje, kao i da donosi odluke o priznanjima i nagradama Grada Sarajeva

RAZLOZI DONOŠENJA

Programom rada Gradskog vijeća Grada Sarajeva za 2021. godinu, broj 01-GV-02-1281/20 od 30.12.2020. godine, broj 01-GV-02-195/21 od 24.02.2021. godine i broj 01-GV-02-742/21 od 30.06.2021. godine, kao jedna od tema programirana je i tema – Nacrt Odluke o uslovima i načinu dodjele „Šestoaprilske nagrade Grada Sarajeva“.

Postupajući shodno naprijed utvrđenoj obavezi, a na osnovu prijedloga, primjedbi i sugestija datih kroz Izvještaje Odbora za dodjelu „Šestoaprilske nagrade Grada Sarajeva“ koje su dostavljene Stručnoj službi gradonačelnice Grada Sarajeva, i to:

- Izvještaj broj:04-GV-02-363-1/20 od 09.03.2020. godine;
- Izvještaj broj: 04-GV-02-424-1/20 od 16.03.2020. godine;
- Izvještaj broj: 04-GV-02-229-2/21 od 05.03.2021. godine,

sačinjen je Nacrt predmetne Odluke.

U tekst Nacrta ovog akta uvršteni su prijedlozi, primjedbe i sugestije Odbora, a izvršeno je i uređivanje pojedinih članova i njihovo dodatno unutrašnje uređivanje kroz razvrstavanje u stavove, a sve radi bolje preglednosti i lakše praktične primjene akta, kao što je urađeno kod člana 5., člana 9., člana 14, i drugih članova Nacrta akta.

Također, a poučeni situacijom u vezi sa nemogućnošću održavanja Svečane sjednice Gradskog vijeća u 2021. godini na dan kako je to važećom Odlukom regulisano, u Nacrt akta, odnosno u član 11. stav 2. Nacrta, uvršten je novi stav 2. kojim se propisuje koje su to okolnosti uslijed kojih se održavanje svečane sjednice može pomjeriti za drugi termin u odnosu na onaj utvrđen stavom 1. ovog člana.

Primjedbe Odbora koje nisu uvrštene u tekst nacrta su:

- primjedba u Izvještaju, broj 04-GV-04-229-2/21 od 05.03.2021. godine, pod rednim brojem 5., iz razloga što predlagač smatra da se ovo pitanje treba riješiti kroz širu javnu raspravu koja će uslijediti nakon što Gradsko vijeće Grada Sarajeva Nacrt Odluke uputi u javnu raspravu.
- primjedba u Izvještaju, broj 04-GV-02-363-1/20 od 09.03.2020. godine, pod rednim brojem 5., iz razloga što se ova i slična pitanja regulišu Poslovnikom o radu Odbora i trebaju predstavljati obavezan sadržajni dio objavljenog Javnog poziva.

Cijeneći naprijed navedeno, pripremljen je Nacrt Odluke o uslovima i načinu dodjele „Šestoaprilske nagrade Grada Sarajeva“, koji će biti upućen u redovnu proceduru.

FINASIJSKA SREDSTVA

Sredstva potrebna za realizaciju odluke obezbjeđuju se u Budžetu Grada Sarajeva.



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-04-232/21
Sarajevo, 11.03.2021. godine

GRAD SARAJEVO
GRADONAČELNIK

U prilogu dopisa, dostavlja se na znanje, odnosno dalje postupanje, Izvještaj sa Šeste sjednice Odbora za dodjelu "Šestoaprilske nagrade Grada Sarajeva" u 2021. godini.

PREDSJEDAVAJUĆI GRADSKOG VIJEĆA

Dr. Igor Gavrić, s.r.

Dostaviti:

- naslovu
- evidenciji
- a/a

Adresa: Hamdije Kreševljakovića 3
71000 Sarajevo, BiH

Tel: +385 98 236 658





Odbor za dodjelu "Šestoaprilske nagrade Grada Sarajeva"

Broj: 04-GV-04-229-2/21

Datum: 05.03.2021. godine

Odbor za dodjelu "Šestoaprilske nagrade Grada Sarajeva" u 2021. godini, na Šestoj sjednici održanoj dana 05.03.2021. godine, razmatrao je:

1. Davanje prijedloga, primjedbi i sugestija na Odluku o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), a u cilju predlaganja izmjena i dopuna

i dostavlja sljedeći:

IZVJEŠTAJ

Davanje prijedloga, primjedbi i sugestija na Odluku o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), a u cilju predlaganja izmjena i dopuna


Nakon diskusije i sažetka Predsjedavajućeg, Odbor za dodjelu "Šestoaprilske nagrade Grada Sarajeva" je sa devet glasova "za" i jednim "suzdržanim" glasom usvojio sljedeće **zaključke**:

1. U članu 2., Odluke o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19) peti red, riječ: „grada“ mijenja se u riječ: „Grada“ (nomotehnička greška i dalje u tekstu)
2. U članu 2, drugi red, riječi „...podrazumijevaju se djela ostvorena u kontinuitetu koja se ocjenjuju kao doprinos...“, mijenjanju se i glase „...podrazumijeva se djelovanje i rezultati ostvoreni u kontinuitetu koji se smatraju doprinosom...“
3. U članu 3, pod a), riječi "za pojedince" mijenjaju se i glase „za pojedince i grupe“
4. U članu 3, pod b), ispred postojećih alineja, dodaju se nove alineje i glase:
 - „dobrotvorno, humanitarno, socijalno, edukativno, i drugo djelovanje namjenjeno većem broju korisnika, građana BiH kojima su uskraćena politička, građanska ili ljudska prava, socijalno isključenih, marginaliziranih ili ugroženih društvenih grupa unutar BiH, a putem kojeg je Grad Sarajevo pozitivno promoviran;
 - društveno-odgovorno djelovanje u kontinuitetu, uz puno poštivanje zakonskih normi, prava radnika i dokazana briga za zajednicu;
 - donatorski, humanitarni i sponzorski portfolio za društveno - korisne aktivnosti“.
5. Odbor za dodjelu „Šestoaprilske nagrade Grada Sarajeva“ u 2021. godini predlaže da se, prilikom izmjena i dopuna Odluke o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), odnosno predlaganja nove Odluke propiše da se, umjesto dodjele Nagrade po oblastima, dodjeljuje po jedna Nagrada, pojedincu, grupi i kolektivu.
6. Odbor predlaže da pravo predlaganja kandidata za Nagradu imaju i dobitnici "Šestoaprilske nagrade Grada Sarajeva".



7. Odbor predlaže da članove Odbora čine dobitnici "Šestoaprilske nagrade Grada Sarajeva" i istaknuti javni djelatnici grada Sarajeva.
8. Odbor predlaže gradonačelniku Grada Sarajeva da Gradskom vijeću predloži na razmatranje izmjene i dopune Odluke o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), ili novu Odluku, najkasnije do juna mjeseca tekuće godine, te da se u javnu raspravu uključi što veći broj subjekata.
9. Zadužuje se Gradska služba za Gradsko vijeće da predložene zaključke dostavi gradonačelniku Grada Sarajeva na razmatranje i dalje postupanje.

PREDSJEDAVAJUĆI ODBORA



Prof. dr. Velija Katica, s.r.



Grad Sarajevo
City of Sarajevo

Broj: 01-GV-04-443/20
Datum: 02.04.2020. godine

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

GRAD SARAJEVO
GRADONAČELNIK

U prilogu dopisa, dostavlja se na znanje, odnosno dalje postupanje, Izvještaj sa Sedme sjednice Odbora za dodjelu "Šestoaprilske nagrade Grada Sarajeva" u 2020. godini.

PREDSJEDAVAJUĆI GRADSKOG VIJEĆA

Dr. Igor Gavrić, s.r.

Dostaviti:

- naslovu
- evidenciji
- a/a

Adresa: Hamdije Kreševljakovića 3
71000 Sarajevo, BIH





Odbor za dodjelu "Šestoaprilske nagrade Grada Sarajeva"

Broj: 04-GV-02-363-1/20

Datum: 09.03.2020. godine

Odbor za dodjelu "Šestoaprilske nagrade Grada Sarajeva" u 2020. godini, na Sedmoj sjednici održanoj 09.03.2020. godine, razmatrao je:

1. Davanje prijedloga, primjedbi i sugestija na Odluku o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), a u cilju predlaganja izmjena i dopuna

i dostavlja sljedeći:

IZVJEŠTAJ

Davanje prijedloga, primjedbi i sugestija na Odluku o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), a u cilju predlaganja izmjena i dopuna

Nakon diskusije i sažetka Predsjedavajućeg, Odbor za dodjelu "Šestoaprilske nagrade Grada Sarajeva" je sa deset glasova "za" i jednim glasom "protiv", usvojio sljedeće **zaključke**:

1. Odbor za dodjelu „Šestoaprilske nagrade Grada Sarajeva“ predlaže da se, prilikom izmjena i dopuna Odluke o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), član 12. stav 2. mijenja i glasi: Odbor iz stava 1. ovog člana čini ukupno 13 članova i to 7 članova Komisije za izbor i imenovanja Gradskog vijeća i 6 članova iz reda istaknutih javnih djelatnika.
2. Odbor predlaže da se, prilikom izmjena i dopuna Odluke o uslovima i načinu dodjele "Šestoaprilske nagrade Grada Sarajeva“, u članu 16. definiše da je minimum broj bodova većina od ukupnog broja članova Odbora (7).
3. Da se u izmjenama i dopunama Odluke propiše da kandidata ne mogu predložiti upravljачke strukture pravnih i fizičkih lica sa kojima je povezan.
4. Odbor za dodjelu „Šestoaprilske nagrade Grada Sarajeva“ predlaže da se u izmjenama i dopunama Odluke propiše da je potrebno da predlagač, pored pismene saglasnosti kandidata da prihvata kandidaturu, dostavi i relevantnu dokumentaciju da se protiv kandidata ne vodi krivični postupak, te da nije osuđivan.
5. Da se u izmjenama i dopunama Odluke propiše da Odbor neće razmatrati prijave i druge akte koji dođu nakon zatvaranja Javnog poziva.
6. Odbor za dodjelu „Šestoaprilske nagrade Grada Sarajeva“ predlaže da se kroz Poslovnik o radu Odbora definiše i zajedničko razmatranje predloženih kandidata od strane članova Odbora, u dvije sjednice, prije procesa glasanja.
7. Zadužuje se Gradska služba za Gradsko vijeće da predložene zaključke dostavi gradonačelniku Grada Sarajeva na razmatranje i dalje postupanje.



PREDSJEDA VAJUĆI ODBORA

Prof. dr. Velija Katica, s.r.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-04-455/20

Datum: 27.04.2020. godine

GRAD SARAJEVO
GRADONAČELNIK

U prilogu dopisa, dostavlja se na znanje, odnosno dalje postupanje, Izvještaj sa Osme sjednice Odbora za dodjelu "Šestoaprijske nagrade Grada Sarajeva" u 2020. godini.

PREDSJEDAVAJUĆI GRADSKOG VIJEĆA

Dr. Igor Gavrić, s.r.

Dostaviti:

- naslovu
- evidenciji
- a/a





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Odbor za dodjelu "Šestoaprilske nagrade Grada Sarajeva"

Broj: 04-GV-02-424-1/20

Datum: 16.03.2020. godine

Odbor za dodjelu "Šestoaprilske nagrade Grada Sarajeva" u 2020. godini, na Osmoj sjednici održanoj 16.03.2020. godine, razmatrao je:

3. Tekuća pitanja

i dostavlja sljedeći:

IZVJEŠTAJ

Tekuća pitanja

Nakon diskusije, te sažetka Predsjedavajućeg, Odbor je jednoglasno usvojio sljedeće zaključke:

1. Odbor za dodjelu „Šestoaprilske nagrade Grada Sarajeva“ predlaže da se, prilikom izmjena i dopuna Odluke o uslovima i načinu dodjele “Šestoaprilske nagrade Grada Sarajeva“ („Službene novine Kantona Sarajevo“, broj 28/19), u članu 12. precizira kada prestaje mandat članova Odbora, te se predlaže da to bude usvajanjem Izvještaja o radu Odbora, na sjednici Gradskog vijeća.
2. Odbor predlaže da se, prilikom izmjena i dopuna Odluke propiše da se, članovi Odbora, izuzimaju prilikom glasanja, ukoliko su, na bilo koji način, povezani sa predloženim kandidatima za dodjelu „Šestoaprilske nagrade Grada Sarajeva“.
3. Zadužuje se Gradska služba za Gradsko vijeće da predložene zaključke dostavi gradonačelniku Grada Sarajeva na razmatranje i dalje postupanje.



PREDSJEDA VAJUĆI ODBORA

Prof. dr. Velija Katica, s.r.



Pregled Dokumentata| Broj 28/19

Početna (/) / Dokumenti (/Docs/) / Službene novine Kantona Sarajevo (/Docs/Drzavni) / Dokumenti pregled

Službene novine Kantona Sarajevo, broj 28/19

Na osnovu člana 26. stav 1. tačka 2. i tačka 18. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici od 26.06.2019. godine, donijelo je

ODLUKU**O USLOVIMA I NAČINU DODJELE "ŠESTOAPRILSKE NAGRADE GRADA SARAJEVA"****Član 1.**

"Šestoaprilska nagrada Grada Sarajeva" (u daljem tekstu: Nagrada) dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugim oblastima rada i stvaralaštva, bez obzira na godinu ostvarenja, a koji doprinose ukupnom unapređenju, promociji i razvoju Grada Sarajeva, kao glavnog grada Bosne i Hercegovine i Federacije Bosne i Hercegovine.

Član 2.

Pod značajnim ostvarenjima, u smislu ove Odluke, podrazumijevaju se djela ostvarena u kontinuitetu koja se ocjenjuju kao doprinos razvoju odgovarajuće oblasti, u skladu s kriterijima uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Član 3.

Kriteriji za dodjelu Nagrade su:

a) za pojedince:

- izuzetan doprinos u odbrani države Bosne i Hercegovine,

- postizanje značajnih rezultata u oblasti nauke, obrazovanja, zdravstva, socijalne zaštite, kulture, sporta, amaterskog stvaralaštva i drugih društvenih djelatnosti ili najboljih rezultata u teorijskom i praktičnom radu na pojedinom području javnog djelovanja,
- doprinošenje unapređenju radnih procesa kreativnim radom ili inovacijama,
- dobivanje domaćih i međunarodnih priznanja za vlastite inovacije,
- objavljivanje, prikazivanje, izlaganje, izvođenje ili prezentovanje na neki drugi način vlastitih ostvarenja značajnih za širu zajednicu,
- ugled i visoke moralne vrijednosti.

b) za pravna lica:

- upošljavanje većeg broja radnika,
- ostvarenje značajne dobiti u poslovanju,
- vršenje znatnijih ulaganja u proširenje proizvodnih i drugih kapaciteta,
- postizanje poslovnih uspjeha na nivou međunarodnih standarda,
- najmanje pet godina postojanja i kontinuiranog djelovanja,
- renome uzornog pravnog lica.

Član 4.

Za dodjelu Nagrade, početkom decembra, u sredstvima javnog informiranja objavljuje se javni poziv za predlaganje kandidata za dodjelu Nagrade u tekućoj godini i traje 45 dana.

Nagrada se dodjeljuje:

- Pojedincu
- Grupi (okupljenim pojedincima na realizaciji određenih poslova s rezultatima koji se mogu razmatrati u kandidaturi za dodjelu Nagrade kao značajna ostvarenja, odnosno značajni rezultati rada), i
- Kolektivu (privrednom društvu, ustanovi, udruženju i drugom pravnom subjektu s područja grada Sarajeva, kao i onom van područja grada Sarajeva, ako se njihova ostvarenja, odnosno rezultati rada odnose na grad Sarajevo).

Član 5.

Nagrada se ne može dodijeliti organima uprave svih nivoa vlasti u BiH, izabranim funkcionerima, poslanicima, vijećnicima svih nivoa vlasti u Bosni i Hercegovini i njihovim srođnicima za vrijeme trajanja njihovih mandata, kao ni zaposlenima u organima uprave svih nivoa vlasti u BiH za ostvarenja koja se odnose na djelovanje u okviru djelokruga posla koji vrše u organu uprave.

Član 6.

Nagrada se dodjeljuje u obliku povelje, uz novčani iznos koji odlukom utvrđuje Gradsko vijeće na prijedlog Administrativne komisije Gradskog vijeća.

Kad se Nagrada dodjeljuje grupi, svaki član grupe dobija povelju.

Novčani dio Nagrade iz stava 1. ovog člana, raspoređuje se članovima grupe u jednakim iznosima.

Član 7.

Povelja iz člana 5. stav 1. i 2. Odluke sadrži tekst: "BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO, GRAD SARAJEVO", sa suhim grbom Grada Sarajeva, centriran na vrhu stranice formata A3. Ispod teksta iz stava 1. ovog člana, ispisuje se sljedeći tekst: "Na osnovu Odluke Gradskog vijeća Grada Sarajeva o dodjeli "Šestoaprijske nagrade Grada Sarajeva", broj __, dodjeljuje se:". Na sredini povelje je tekst:"ŠESTOAPRILSKA NAGRADA GRADA SARAJEVA", ime i prezime lica, odnosno imena članova grupe ili naziv kolektiva kojima se Nagrada dodjeljuje. Ispod teksta iz prethodnog stava, ispisuje se kratko obrazloženje, odnosno navodi se oblast rada i stvaralaštva u kojoj je dobitnik Nagrade ostvario značajne rezultate. U donjem lijevom uglu je oznaka datuma, mjesta i broja odluke, a u donjem desnom uglu je potpis gradonačelnika Grada Sarajeva. O izgledu Povelje, odlučuje Gradonačelnik uz prethodno mišljenje Komisije za izbor i imenovanja. Uz Povelju se uručuje i Odluka Gradskog vijeća Grada Sarajeva o dodjeli "Šestoaprijske nagrade Grada Sarajeva" za odgovarajuću godinu, kojom se utvrđuje vrsta i sadržaj Nagrade, dobitnik Nagrade, te uručivanje Nagrade od strane Gradonačelnika na svečanoj sjednici Gradskog vijeća Grada Sarajeva.

Član 8.

U jednoj godini može se dodijeliti najviše šest Nagrada, iz svake oblasti jedna, bez obzira da li se radi o pojedinačnoj, grupnoj ili kolektivnoj Nagradi.

Nagrada se istom licu, iz člana 4. Odluke, može dodijeliti samo jedanput.

Član 9.

Nagrada se dodjeljuje svake godine i uručuje 6. aprila, na Svečanoj sjednici Gradskog vijeća. Nagradu uručuje Gradonačelnik i Predsjedavajući Gradskog vijeća.

Član 10.

Pravo predlaganja kandidata za Nagradu imaju privredna društva, ustanove, udruženja građana, grupe od najmanje 200 građana i druga pravna lica, sa područja Sarajeva.

Subjekti iz stava 1. ovog člana, nemaju pravo isticanja sopstvene kandidature za Nagradu.

Prijedlog iz stava 1. ovog člana podnosi najviši kolektivni organ upravljanja, Skupština ili Upravni odbor odlukom tih organa o podnošenju prijedloga kandidata za Nagradu s tim da je uz prijedlog dužan dostaviti pismenu saglasnost kandidata da prihvata kandidaturu, te jasno definisati oblast za koju se kandidat predlaže.

Pravo predlaganja kandidata za Nagradu ima i Gradonačelnik.

Član 11.

Prijedlog iz stava 3. prethodnog člana dostavlja se u tri (3) primjerka sa detaljnim podacima i obrazloženjem.

Obrazloženje sadrži podatke o kandidatu, ukupan radni opus i posebne zasluge u oblasti zbog kojih se kandidat predlaže

za nagradu.

Član 12.

Gradsko vijeće imenuje Odbor za dodjelu "Šestoapriilske nagrade Grada Sarajeva" (u daljnjem tekstu: Odbor) najkasnije na oktobarskoj sjednici.

Odbor iz stava 1. ovog člana čine članovi Komisije za izbor i imenovanja Gradskog vijeća i šest istaknutih javnih djelatnika iz oblasti:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugih oblasti rada i stvaralaštva, za koje se Nagrada dodjeljuje.

Kolegij Gradskog vijeća Grada Sarajeva kandidira Komisiji za izbor i imenovanja kandidate za članove Odbora iz reda istaknutih javnih djelatnika, iz prethodnog stava. Komisija za izbor i imenovanja utvrđuje prijedlog i upućuje ga Gradskom vijeću Grada Sarajeva na razmatranje i usvajanje.

Predsjedavajući i zamjenik Predsjedavajućeg Odbora se biraju na prvoj sjednici Odbora.

Mandat članova Odbora iz reda istaknutih javnih djelatnika traje do okončanja postupka izbora laureata za tu godinu.

Član 13.

Odbor iz prethodnog člana ove odluke, na prvoj sjednici, donosi Poslovnik kojim se uređuje način rada, a posebno se definira tajnost rada Odbora i imena kandidata za dodjelu, do donošenja konačne odluke Gradskog vijeća o dodjeli Nagrade.

Poslovnikom iz stava 1. uređuje se način glasanja Odbora bodovanjem u drugom ili trećem krugu i to tako da kandidat koji ne ostvari minimalan broj bodova Odbora ne može biti predložen Gradskom vijeću na konačno odlučivanje.

Član 14.

Ukoliko Odbor u toku postupka za dodjelu "Šestoapriilske nagrade Grada Sarajeva" utvrdi da predloženi kandidat ispunjava uvjete za neku drugu oblast, Odbor može predložiti da se o njegovoj kandidaturi glasa u drugoj oblasti.

Član 15.

U prvom krugu, članovi Odbora glasanjem utvrđuju liste kandidata koji zadovoljavaju uvjete propisane Odlukom i Javnim pozivom u pojedinačnim oblastima.

Član 16.

U drugom krugu glasanja, Odbor primjenjuje način bodovanja, preciznije utvrđen Poslovníkom o radu, te Gradskom vijeću predlaže najmanje dva prvorangirana kandidata, ako ih je bilo dva ili više, u suprotnom jednog ukoliko je jedan kandidat dobio minimum broj bodova ili ni jednog ako nije dobio nijedan bod.

Gradsko vijeće donosi konačnu odluku tajnim glasanjem na zatvorenoj sjednici za javnost.

Član 17.

Ukoliko Odbor ocijeni da određeni prijedlog kandidata ne ispunjava uslove za dodjelu Nagrade, Odbor može uputiti inicijativu prema ovlaštenim predlagачima, gradskim vijećnicima ili gradonačelniku, da podnesu prijedlog za dodjelu drugog priznanja ili nagrade Grada Sarajeva, u skladu sa Odlukom o priznanjima i nagradi Grada Sarajeva.

Član 18.

Članovi Odbora se obavezuju na tajnost svih podataka o kandidatima, obavezuju se da ne daju izjave u medije ili preko društvenih mreža, sve do zvanično upućenog prijedloga Gradskom vijeću Grada Sarajeva.

Član za kojeg se utvrdi da je prekršio obavezu tajnosti, trajno se isključuje iz rada Odbora.

Član 19.

Nagrada koja se dodjeljuje pojedincu, odnosno grupi, može se oduzeti.

Pod oduzimanjem nagrade podrazumijeva se oduzimanje povelje pojedincu, odnosno članu grupe. Nagrada se oduzima ako je nagrađeno lice pravosnažnom sudskom presudom osuđeno od Međunarodnog suda za ratne zločine počinjene na teritoriji bivše Jugoslavije, ili koje je pravosnažnom sudskom presudom, od bilo kojeg suda sa područja Bosne i Hercegovine, osuđeno za krivično djelo protiv života i tijela na kaznu zatvora od najmanje godinu dana, protiv slobode i prava građana, protiv dostojanstva osobe i morala, protiv imovine, protiv pravosuđa, protiv službene i druge odgovorne dužnosti, protiv osnova društvenog uređenja i sigurnosti.

Nagrada se može oduzeti ako je nagrađeno lice pravosnažnom sudskom presudom osuđeno na kaznu zatvora preko tri godine ili težu kaznu, a ne radi se o krivičnom djelu iz prethodnog stava.

Član 20.

O oduzimanju Nagrade odlučuje Gradsko vijeće na prijedlog Odbora.

Odluka o oduzimanju Nagrade objavljuje se u "Službenim novinama Kantona Sarajevo" i sredstvima javnog informisanja.

Član 21.

Ukoliko priznanje, odnosno nagrada nije uručena dobitniku za života, predaje se članovima njegove uže porodice (bračni drug, djeca i roditelji) i o tome se izdaje potvrda.

Član 22.

Članovi Odbora imaju pravo na naknadu za svoj rad.

Visina naknade iz stava 1. ovog člana se utvrđuje na isti način kao i za ostala radna tijela Gradskog vijeća, a na prijedlog

Administrativne komisije Gradskog vijeća.

Član 23.

Sredstva za dodjeljivanje Nagrade i za rad Odbora obezbjeđuju se u Budžetu Grada Sarajeva i Odluci o izvršenju budžeta.

Član 24.

Služba Gradskog vijeća vrši stručne i administrativne poslove i vodi evidenciju o dodijeljenim Nagradama.

Član 25.

Gramatička terminologija korištenja muškog i ženskog roda u ovoj Odluci podrazumijeva uključivanje oba roda.

Član 26.

Danom stupanja na snagu ove Odluke prestaje da važi Odluka o uslovima i načinu dodjele "Šestoaprijske nagrade Grada Sarajeva" ("Službene novine Kantona Sarajevo", broj 3/17 - Prečišćeni tekst i 49/17).

Član 27.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-749/19
26. juna 2019. godine
Sarajevo

Predsjedavajući
Gradskog vijeća
Dr. **Igor Gavrić**, s. r.

Hvala što ste naš pretplatnik. Koristite pogodnosti koje dobijate pretplatom.

O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014